

Script Of Evening Gojri News Bulletin 16 June 2024 at 1700 Hrs

ايوننگ گو جری نیو ز بلیٹن مو رخہ 16 جون 2024

یوہ آکا شوانی جموں ہے محمد امین انجم تے عبدالمجیدتیں خبر سٹو۔ پہلاں خاص خاص خبر۔

*1- داخلہ امور غا مرکزی وزیر امت شاہ نے جموں کشمیر مانہہ سلامتی صورتحال غو جائزو لیوہے۔

*2- سالانہ امرناتھ جی یا ترا غا دوہاں رستاں واسطے آن لائن ہیلی کا پٹر بوکینگ شروع ہو گئی ہے۔

*3- وزیر اعظم نریندر مو دی 9 کروڑ 3 لکھ کساناں غا بینک کہاتاں مانہہ 2 ہزار کروڑ روپیا منتقل کریں گا۔

*4- تے ریا سی مانہہ یا تریاں ور دہشت گردانہ حملہ تیں بعدوی شیوی کھوڑی تے ویشنو دیوی شرائین غا یا ترا واسطے عقیدت مند معمول غے مطابق آریا ہیں۔

خبراں غی تفصیل نال پہلاں محمد امین انجم۔

Shah Meeting

مرکزی وزیر داخلہ امت شاہ نے اج نویں دہلی مانہہ اک اعلیٰ سطحی میٹنگ غی صدارت کی۔ میٹنگ غو مقصد جموں کشمیر مانہہ سلامتی صورتحال غو جائزو لینو تھو۔ میٹنگ غے دوران جناب شاہ نے جموں کشمیر مانہہ حالیہ دہشت گرد حملوں غے مد نظر سلامتی صورتحال غو جائزو لیو۔ قومی سلامتی غا مشیر اجیت ڈوال، لیفٹننٹ گو رنر جموں کشمیر منوج سنہا تے مرکزی داخلہ سیکریٹری اجے بھلا نے میٹنگ مانہہ شرکت کی۔ انٹیلیجیس بیورو غا ڈائریکٹر، فوج غا سنئیر افسراں غے نال نال فوجی عملہ غا سربراہ جنرل پانڈے تے فوجی عملہ غا نامزد سربراہ جنرل اپندر دویدی، مرکزی مسلح دستہ غا ڈائریکٹر جنرل جموں کشمیر غا چیف سیکریٹری ڈی جی پی تے دوجا سنئیر افسراں نے وی میٹنگ مانہہ شرکت کی۔

Amarnath Yatra

بلا آخر شری امرناتھ یا ترا غا سلسلہ مانہہ ہیلی کاپٹر خدمات غو انتظار کرن آلا یا تریاں غو انتظار ختم ہو گیو تے شری امرناتھ شرائین بورڈ نے بالتال تے پہلگام دوہاں رستاں واسطے ٹکٹ بکینگ خدمات شروع کر دتی ہیں۔ اس سلسلہ مانہہ 52 روزہ شری امرناتھ یا ترا 29 جون تیں شروع ہو رہی ہے۔ یا ترا 19 اگست رکشا بندھن غے دن اختتام پزیر وے گی۔ سرکاری تفصیلات غے مطابق بالتال واسطے ہیلی کاپٹر خدمات نیل گرنتھ، پنج ترنی، نیل گرنتھ اور پہلگام رستہ ور یاہ خدمت پہلگام پنج ترنی پہلگام مانہہ دستیاب رہے گی۔ حالانکہ سرکاری ذریعاں نے دسیو ہے جے آن لائن ٹکٹ بکینگ سرکاری ویب سائٹ

JKSASB.nic.In

ور دستیاب ہوے گی۔ دسیو گیو ہے جے آن لائن ہیلی کاپٹر ٹکٹ ترجیح بنیا د ور نہیں بلکہ پہلاں او پہلاں پاؤ غی بنیا د ور ملے گی۔ اس ضمن مانہہ پہلگام تیں پنج تارنی رستہ ور یک طرفہ کرایو 4 ہزار 9 سو روپیہ جد کہ دوہاں پاساں غو کرایو 9 ہزار 8 سو روپیہ مقرر کیو گیو ہے۔ اس طرح نیل گرنتھ توں پنج تارنی غو کرایو 3 ہزار 2 سو 50 روپیہ جد کہ دوہاں پاساں واسطے 6 ہزار 5 مقرر کیا گیا ہیں ہیلی کاپٹر خدمات واسطے ٹکٹ بکینگ ویلے یا تریاں ناہہ اک صحت سند تیں گزرنو وے گو۔ مسافر ناہہ لازمی طور ور اصلی شناختی کا

رڈ تے صحت سند رکھنی وے۔ قابل نکر بے جے بیلی کپٹر پر سفر کرن آلا یا تریاں نانہہ
مقررہ وقت تیں ادھو گھنٹو پہلاں پُجنو وے گو۔

PM Kissan Saman

مرکزی وزیر برائے دیہی ترقیات تے ذراعت اور کسان بہبود شہوراج سنگھ چوہان نے
کہیو ہے جے وزیر اعظم کسان سامان نیڈی اسکیم غے تحت 9 کروڑ 3 لکھ کساناں غا کہاتاں
مانہہ تقریباً 20 ہزار کروڑ روپیہ منتقل کریں گا۔ نویں دہلی مانہہ اخباری نمائنداں نال گل
کرتاں واں جناب چوہان نے کہیو جے 11 کروڑ کساناں غا کہاتاں مانہہ 10 بہراں غے
اندر ہون توڑی 3 لکھ کروڑ روپیہ منتقل کیا جا چکا ہیں۔ وزیر موصوف نے کہیو جے
انہاں نے تمام وزرائے اعلیٰ نانہہ خط لکھیو ہے جے ویں منگلوار نانہہ وزیر اعظم گا
پروگرام مانہہ شرکت کریں۔ انہاں نے آجاگر کیو جے کم کاج سنبھال تیں بعد انہاں نے
وزارت غا عہدیداراں تے کسان بہبود بارے اہم مسئلہ غا سلسلہ مانہہ کم کرن آلا ہر اہم
شخص نال تبادلہ خیال کیو ہے جناب چوہان نے کہیو جے انہاں نے نویں حکومت غا 1 سو
دن گا منصوبہ غے تحت عملی منصوبہ غو جائزو لیو ہے۔ وزیر موصوف نے مزید
کہیو جے ویں ہر مشکل نانہہ سنجیدگی نال لین گا تے اگر لوڑ پئی تاں اسکیم گا قاعدان مانہہ
تبدیلی کی جائے گی۔

Secretary Horticulture

باغبانی محکمہ بارے سیکریٹری وویک شرما نے ڈائریکٹر باغبانی چمن لال شرما غے
بمراہ پھلدار بوٹاں غی بڑی نرسری غو دورو لایو۔ انہاں نے چکروٹی مانہہ واقع اس نرسری
غو معائنو کیو۔ اس موقع ور باغبانی غا ڈائریکٹر نے سیکریٹری نانہہ جانکا ری دتی جے
نرسری 40 ہیکٹر رقبہ ور پھیلی وی ہے۔ تے اس نانہہ تمام جدید سازو سامان نال لیس کیو گیو
ہے۔ آکا شوانی نال گل کرتاں واں انہو ں نے کہیو۔۔۔ با نٹ۔۔۔

Vice President

نائب صدر تے راجیہ سبھا غا چیرمین جگدیپ دھنکڑ نواں تعمیر ہوا پریرینا ستھل غو افتتاح
کریں گا۔ پا رلیمنٹ ہاؤس احاطہ مانہہ یوہ افتتاح اج کیو جا رہیو ہے۔ لوک سبھا غا اسپیکر اوم
برلا، ڈپٹی چیرمین راجیہ سبھا ہری ونش نرائن سنگھ تے پا رلیمانی امور غا وزیر کرن
رجیجو اس افتتاح مانہہ شرکت کریں گا۔ راجیہ سبھا غا تمام ممبران نانہہ وی اس پروگرام مانہہ
دعوت دتی گئی ہے۔ پریرینا ستھل آسانی پیدا کرن واسطے تعمیر کی گئی ہے۔

PM MKB

وزیر اعظم نریندر مو دی اس مہینہ غی 30 تا ریخ نانہہ ”من کی بات“ پروگرام غے تحت
مُلک اور بیرون مُلک رہن آلا بھارتی با شننداں نال اپنا خیالات سانجھا کریں گا۔ ریڈیو غا من
کی بات پروگرام غی 111 ویں قسط وے گی۔ جہیڑی جناب مو دی گا تیجا بار وزیر اعظم
بنن تیں بعد پہل قسط وے گی۔ لوک مفت کال کر غے اس پروگرام واسطے اپنا نظریات تے
مشورہ سانجھا کر سکیں تے اس سلسلہ مانہہ غا نمبر اس طرح ہیں 1800117800 لوک
نریندر مو دی ایپ یاہ مائی گوو اوپن فورم ور وی اپنی گل رکھ سکیں۔ آتی قسط واسطے تمام
مشورہ اس مہینہ غی 28 تا ریخ تک منیا جائیں گا۔ مذکورہ پروگرام آکا شوانی تے دور درشن
غا تمام چینلاں غے نال نال آکا شوانی غی ویب سائٹ اور نیوز آن اثر مو با ٹیل ایپ ور وی

نشر وے گو۔ من کی بات پروگرام آکاشوانی نیوز گا یو ٹیوب چینلاں، ڈی ڈی نیوز، وزیر اعظم گا دفتر اور اطلاعات و نشریات وزارت گا چینلاں ور وی چلے گو۔ آکا شوانی اس پروگرام غو ہندی نشر توں فوراً بعد علاقائی زبانان مانہہ ترجمو نشر کرے گو۔

یہ خبر تم آکا شوانی جموں تیں سن رہیا ہیں خبراں گا باقی حصہ نال عبدالمجید۔
Shiv Khori

نو(9) جون نانہہ یا تریاں غی بس ور ہوا دہشت گردان گا حملہ جس مانہہ 9 عقیدت مندان غی موت ہو گئی تھی بعد وی عقیدت مند خُدا تے حفاظتی دستاں ور اعتماد د کر غے شیو کھوڑی تے ویشنو دیوی غی یا ترا واسطے معمول غے مطابق آرہیا ہیں۔ اج اتاریں عقیدت مند ریاسی مانہہ رافٹینگ تیں لطف اندوز ہوتاں وان بھارت ماتا کی جے، بھارتیہ سینا زندہ باد گا نعرہ لاتاں وان تے دہشت گرد حملہ مانہہ ہلاک ہوا یا تریاں واسطے دُعا کرتا دیکھیا گیا۔ حُکام نے دسیو ہے جے شیو کھوڑی مندر تیں تقریباً 80 کلو میٹر دور ترکوٹہ پہاڑیاں ور واقع ویشنو دیوی شرائین ور عقیدت مندان غی تعداد مانہہ کوئی کمی نہیں آئی ہے۔ آکا شوانی نال گل کرتاں وان یا تریاں نے اس طرح کہیو۔۔۔ باٹ۔۔۔

Shaheedi Diwas

ضلع کٹھوعہ مانہہ سکھ گورو ارجن دیوجی غو شہیدی تہاڑو منایو گیو۔ اس موقع ور گوردوارہ سنگھ سبھا کٹھوعہ مانہہ اک پروگرام منعقد ہوؤ۔ تے راگی جتھا نے گورو غی وانی اور گورو ارجن دیو جی غی تعلیم پیش کی۔ ڈسٹریکٹ گوردواہ پربندق کمیٹی گا صدر چرنجیت سنگھ نے کہیو جے گورو ارجن دیو جی نے مذہب تے سماجی انصاف واسطے اپنی قربانی دتی۔ انہاں نے اس طرح کہیو۔۔۔ باٹ۔۔۔

JMC Drive

عید الضحیٰ گا موقع ور جموں میونسپل کارپوریشن گا کمشنر راہل یا دو غی ہدایت ور جموں میونسپل کارپوریشن تے بھیڑ پالن محکمہ غی طرفوں ڈاکٹراں غی اک مشترکہ ٹیم نے جموں شہر گا بکھ بکھ بازاراں مانہہ گوشت تے اس تیں بنی چیزاں گا معیار تے اس گا نرخاں گا معائنہ خاطر چان چک دورو کیوتا نجے صارفین نانہہ بہتر معیار تے صحیح قیمتاں ور گوشت تے اس تیں بنی چیز دستياب دستياب ہو سکیں۔ اس ٹیم مانہہ ڈاکٹر امن دیپ سنگھ تے ڈاکٹر جیون لال غے ہمراہ میونسپل ویٹنری افسر ڈاکٹر دویا شرما وی تھیں۔ یاہ اچانک مہم تالاب تلو، بوہڑی، مٹھی، بن تالاب، پلوڑہ، جانی پور، امبیہلا، سی پی او چوک، نروال، گاندھی نگر، گنگیال، ستواری، تالاب کھٹیکاں تے شہیدی چوک مانہہ چلائی گئی۔ گوشت تے مرغا فروخت کرن آلا دکانداراں نانہہ ہدایت جاری کی گئیں جے ذبح کیا وا جانواراں گا ضائع حصہ نانہہ ہر روزکئی کئی اکھٹاں کر غیجے ایم سی غی گڈیاں غے ذریعے اُس نانہہ ٹھکانے لان واسطے بھیجو جائے۔

Banihal Eid

بکرہ عید تیں پہلاں جھیڑی پلک منائی جائے گی تیں اک دن پہلاں یعنی عرفہ گا موقع ور لوک بہت زیا دہ تعداد مانہہ بازاراں مانہہ دسیا کریں۔ رام بن گا بانہال علاقہ مانہہ بازاراں مانہہ چیزاں گا معیار، صفائی ستھرائی تے صارفین نانہہ بیچی جان آلی چیزاں غی قیمتاں ور

انتظامیہ نظر رکھیا واں ہے۔ عید غا سلسلہ مانہہ اج لوگ خاصی تعداد مانہہ بازاراں مانہہ خریداری کر رہیا ہیں تے لوک مٹھائی، مشروبات، سبز میوہ، گوشت، مرغہ تے دوجی چیز بانہال بازار تیں خرید رہیا تھا۔ ایس ڈی ایم بانہال رضوان اصغر نے دسیو جے عید الضحیٰ غا تہوار نانہہ بہتر طریقہ نال منان نانہہ یقینی بنان واسطے انہاں نے بکھ بکھ مسیتاں غا ائمہ اکرام، بیوپار منڈل تے اس نال جڑیا محکمان نال میٹنگ کی ہیں تے ہم نے تمام ضروری چیزاں غی بانہال سب ڈیزن مانہہ مقررہ نرخاں ور دستیابی نانہہ یقینی بنايو ہے۔

Eid Al Adha

متحدہ عرب امارات پھر تے دُنیا غا دوجا کئی مُلکاں مانہہ اج عید الضحیٰ غو پاک تہوار منايو گیو ہے۔ عید الضحیٰ نانہہ قربانی آلی عید وی کہيو جا ئے۔ جہیڑی سال مانہہ منائی جان آلی دوہاں عیدیاں وچوں اک ہے۔ سعودی عرب مانہہ 180 مُلکاں تیں آیا 15 لکھ تیں متا حُجاج اکرام نے حج غو فریضو ادا کیو۔ اسلامک کلینٹر غا 12 واں مہینہ ذی الحجہ مانہہ عید الضحیٰ منائی جا ئے۔ یاہ عید روحانی، عقیدت، تے اپنا ایثار غی قدران نانہہ ظاہر کرے تے بڑی اہمیت رکھے۔

اس غے نال ہی خبراں غو یوہ بلیٹن ختم ہوؤ۔